

夏至冬至之日晡時入室向西叩齒三通仰
思白素元君頭戴黃元鎮星三氣華精水黃
綠曜光雲文之裝飛素元君頭戴七曜紫元
流光衣七色雲羅素袿二素共乘青虹之雲
飛瓊紫蓋十二飛麟從太華玉女三十二人
徘徊洞清之上西南而行便六拜六叩頭六
持頌祝曰

飛景八素白元結精玄氣交慶混合上清流
雲二色曜真霄庭玉皇迴轡巨絡紫瓊徘徊
丹房八氣洞明迴度天元流盼我形運我靈
輪降我飛斬得與八素齊景真靈畢咽氣八
過止

此八素行真宴景雲京上會之道高靈玉名
口口相傳自无金書綠字列名玄圖不得參
聞得行其法八素諸房八年自然洞朗八宮
飛空乘玄遊行上清也

凡受八素真經弟子師對齋百日或三十日
齋上金八兩五色繒各三十尺法水一副以
盟九天誓靈之約受八素內名縑文二十二
尺以列告實真之誓關此信不得妄告八素

名輕泄高靈九祖充責受者同被風刀之考
真景高遊徒勞為學不降爾形傳受明慎如
四極之盟焉

洞真太上八素真經服食日月皇華訣

正一天師清微弟子百堅製作
道教學術資訊網站

洞真太上八素真經登壇符札妙訣 通五
太上告諸天帝王後聖帝君上相青童太極
真人曰凡後學之士得見上真大洞寶經皆
東華書名金字上清先緣已善貴重難勝而
不尋師受訣登壇修行徒欲誦習不測本源
勞而无益更致魔干猶致竊經之罪无昇仙
之期有志之子必務依科役師受旨以成至
真今故標出告盟之儀諸傳其人慎勿輕泄
諸天帝王一切聖真同時稱善稽首奉命
凡盟約告靈各有階品山林在世信物不同
齋集日數多少亦異結齋枝辭事源隨人師
徒進止大略依此祕道之要天地寶珍幽隱
不傳諸神真非凡夫末學少才之人所宜聞
所宜見所宜言所宜用則太平得賢勿聞
凡得寶經參差多緒大要言之其因有七一
者神靈光像聲形降受二者善人相逢山洞
容與三者從容散逸公私誤得四者出入市
朝或人來貨五者未識法科竊略威儀六者
精心崇師啟告傳授七者家親祖宗傳世相
付凡此七條或分或合或上或下各有盟法

師傳為中正科如左

登玉清皇壇告盟度經訣壇廣長二丈四尺
 開四角門五方紋繒各一疋紫紋九十尺青
 羅九十尺上金九兩本命繒四十尺五座席
 金魚玉龍各一枚玉札一枚長一尺二寸廣
 二寸四分五行枝五枚書符三方五香火緋
 羅中一枚五尺白素一尺金環一枚五明鏡
 白素一文五尺書錄盟文青絲纏金鈕交帶
 紫紋縹紋二十尺地戶素壇同廣長二丈四
 尺開四角門上金五兩白紋九尺為帶紫紋
 三尺二十明日度事尚宿於壇所北向叩齒
 九通仰祝曰
 高上元皇九天靈尊上真玄遐邈幽瓊軒三
 五運推七宿改晨虛皇控轡玉帝定仙青宮
 簡籙符命靈山是日元吉萬真開陳上學甲
 乙宿命因緣得遇神經上皇寶篇謹於玄嶽
 上盟九天上帝五帝十二河源乞丐記領奏
 上高晨普告萬靈浮位皇壇營衛滅試按如
 太真須到明日以合當傳
 明日登壇之時未至壇所三十步叩齒三十

二通思紫雲覆冠一山五帝神兵千萬人來
 迎北身便做呪曰神真出遊萬帝駭驚玉靈
 玄衛五殺司迎天丁力士萬不輔靈命召十
 方驅策天兵率天以下咸到皇庭令我登仙
 洞得道精審知不祥通幽冥所向所陳悉
 合玉清

畢乃登壇師從西北入壇之上向西北九拜
 朝九天王叩齒九通令傳弟子九天寶經
 清宿齋奏氣命合具乞願下監真五典錄
 侍郎衛靈司馬下監盟天所啟所付早得上
 聞畢還向東南再拜又啟

高上元始天今上頭八會日吉時清謹於玄
 嶽盟度上經乞丐告下五帝靈山監巨盟誓
 早得神仙得乘飛輶上昇帝庭
 弟子從東南入於壇下西北九拜向東南再

拜還北西南向仗師北向叩齒三十六通先
 誦金真太空章一遍以制萬魔此章出金真
 玉光奏中不受上清光不得誦此章
 天精乘空發萬精駭神庭託仙謠歌章隨變
 入无名翳氣何紛紜穢道當塗生雲中舍朱

官北帝踊神兵鼓洋自智道玄運來相迎上
 景宴飛鸞迅駕檢雲營促校北帝蘇收攝羣
 魔名豁落張天羅放威擲派鈴今真捕空洞
 玉光煥八冥金玄守上宮神虎戮天精剪滅
 萬妖氣億億悉齋平上承九天信嘯命靡不

傾招真究三洞慧誦眼且清八道望玄霞七
 轉緯天經混合帝一真拔度七祖程削滅五
 苦根反魂更受榮金光耀寂至神燭自然生
 華香散玉宇煙氣徹玉京帝遣徘徊輦三元
 降綠輶迅駕騰九玄朝禮玉皇庭誦太空章
 畢東向叩齒三十六通呪曰

无上三天玄元始氣太上老君召出巨身中
 虛元自然飛仙功曹神仙使者左右飛龍太
 真玉女五帝直符各三十六人出闕啟此間
 土地真官正神巨今正爾燒香願所啟速達
 无極玉帝至真萬上萬聖凡爾
 畢向北叩齒二十四通出上清官不受上清
 三元玉檢不得出此官

謹出巨身中虛元自然左右玉虛侍郎各二
 十四人出混沌自然五帝太真各二十四人

出混沌自然左右領仙玉郎各二十四人出
九玄虛元飛龍功曹各二十四人出上元功
曹各二十四人出中元功曹各二十四人出
下元功曹各二十四人出上清玉虛飛仙使
者各二十四人出神仙使者各二十四人出
玉仙使者各二十四人出太仙使者各二十
四人出上元使者各二十四人出中元使者
各二十四人出下元使者各二十四人出玉
清金晨玉童各二十四人出玉清太華玉女
各二十四人出出者嚴莊冠帶仙服正其威
儀對立臣前玉虛侍郎冠飛玄玉冠衣龍文
九色虎衣執命魔幡立左五帝太真冠元晨
玉冠五色飛仙羽服九色之魔立右飛龍功
曹冠平天玉冠衣九色鳳衣腰帶虎書執召
神之符在上三元功曹冠九元朱陽玉冠衣
三色羽衣腰帶流金火鈴執攝殺之律立下
飛仙使者冠飛天玉冠衣九色斑文之衣手
執金符建節在前神仙使者冠朱陽玉冠衣
飛仙羽衣手執玉板持幢在後太空洞虛自
然檢天輔仙飛玄騎各九億萬眾檢天輔具

飛騰騎各九億萬眾檢天輔神飛行騎各九
億萬眾檢天輔帝騰空騎各九億萬眾檢天
輔靈騰虛騎各九億萬眾洞虛自然五帝飛
仙策空騎各九億萬眾洞虛自然飛仙騰空
騎各九億萬眾自然飛瓊羽蓋策轡騎各九
億萬眾自然飛轅綠轡策轡騎各九億萬眾
自然檢天制地龍騰騎各九億萬眾自然招
真生芝玉仙吏各九億萬眾自然神丹生仙
吏各九億萬眾自然金真流光耀電騎各九
億萬眾自然陰精興雲降雨騎各九億萬眾
陽明照耀撒系逐電騎各九億眾自然雲門
執節命光騎各九億萬眾神仙兵馬來騎一
合下屯住臣前後左右羅列行伍自然五色
流霞紫煙各九億萬眾自然五帝飛輪派煙
各九億萬眾五色飛瓊羽蓋各九億萬眾五
徽五色飛辮各九億萬眾巾繞身形流精散
氣布滿十方周天覆地管衛巨身嚴莊事訖
侍仙羽節飛行玉童擊持立空玉案對在臣
前衙口口中辭語分別關啓上下中央四面
十方天官地神五嶽四瀆九江八極名山大


澤五帝真官四司監察九部考召玄元始氣
甲子諸官君无窮无極无高无下无深无淺
无幽无顯无鞅數量真官注炁皇九宮八
卦六甲真人虛无直事五嶽飛仙神龍羽騎
歷氣上啓
元始皇上高虛玉帝九天丈人元始三天玉
童太靈真王高上萬仙扶桑大帝太上大道
玉晨君三元南極禁君金闕後聖帝君東華
青童四極真人三十九帝二十四真太清玄
元上三天无極大道太上老君太上丈人天
老帝君九老仙都君九氣丈人无極太一帝
君等百千萬重道炁千二百官君太清玉陛
下天仙神仙飛仙五帝仙君太華真人巨自
因緣宿福九天之劫輪轉不滅慶祚所逮得
生法門昔蒙先聖真人所見拔擢開導愚蒙
顯授上法九天大訣三洞寶經玉符靈文丹
書紫字飛空步章登於皇壇告命九天從來
積載天運推移皇道數行法當傳付後學宿
有玄名應仙之人靈文秘重不敢閉塞不敢
輕傳如燕年限動有劫年於至學之士永无

其緣有絕思之歎勤而无成至於元始開化
 難遇其人痛以玄科之旨遇合便授今有某
 嶽先生帝宿福餘慶遭值開泰因緣僥倖生
 於聖世被蒙太上書名帝簡得參大法修誦
 五經從來積載其素情忘影志託幽真靜神
 巖穴思靈念氣而所見濛然觸事未備今重
 詣臣清齋七日投辭啟誓求乞成就建立皇
 壇告命九天奉受上清寶訣玉經凡如千事
 信誓俱備皆如科法臣輒與某上登靈山關
 五嶽五帝上告九天以傳某身某約閉口奉
 修不得輕息宣露真文違科犯誠考延七祖
 身謝鬼官檢行慎法身得飛仙謹以啟聞頌
 御以傳
 出官畢命盟度諱及經符籙師北向立左手
 執經師叩齒三十六通心存太上玉皇今日
 月之光俠照師并弟子之身呪曰
 太微何渺邈真人結虛生空津自然通集為
 大洞經真賢奉法信乘運歷黃庭保秘年劫
 積泄慢地獄嬰拷及七世祖風刀解汝形師
 左手執經弟子右手執信對向天而微言曰

出四極明科
 上告高玄萬帝虛微下世有願守固不移敢
 告明科以檢衆非玉經寶訣皆如科威度身
 之後萬無總歸長保天地三景齊輝敢有泄
 漏長謝四非畢弟子真信受經向北九拜弟
 子擎法信師受信物弟子左手指西北右手
 受經迴東南上倚向西立以次南迴取天門
 埋滅跡符若併受紫結帶者於東南上未迴
 亦可分紫素別有科儀也
 師位立東北上叩齒三十六通仰祝曰
 九天洞耀玄符煥明上學甲乙被練悉精上
 選皇臣並關萬靈玉帝監位侍仙神庭北鄰
 三宮檢制魔兵四司五帝戮滅賈生明攝九
 府勅落甲名騰身遊變藉地隱形壽同三景
 九九齊昇
 畢單步二十四至弟子後地戶間又呪曰
 足躡五嶽上攀玄機騰身九空出幽入微輕
 行雲步速變迅暉金真煥光天闕朗開身佩
 帝章飛青羽衣五靈監映去无稽遲億齡兆
 劫永謝世道

畢便埋騰天道變符於弟子左足下弟子便
 單步二十四至西南角人門上倚又祝曰
 解形皇壇變跡入无滅景靈岳迅軀太空騰
 天籍地混代十方閉无不開絕无不迴高上
 玉帝九天大王靈映已監永畢世崇告盟皇
 壇更過靈峰脫跡三塗上登玉京
 畢便埋藉地解形符於弟子右足下次單步
 三十九至西北角天門上倚師又呪曰
 散足地戶雲行天門三迴九練明道獨分告
 盟靈岳乘運轉輪瓊輿徘徊控轡持雲五辰
 翼雲乘景七元解形藉地上被三關朝禮金
 闕與帝長存
 畢埋騰天符於左躡藉地符於右躡畢
 師與弟子於九天門青絲纏金鈕告靈而去
 使出西北九天之門
 弟子出門便自執魚龍投山之巖正北向叩
 齒九通自告盟於九天呪曰
 太晨玄除九玄幽密朱景監映萬靈練質三
 運交遷迴月周日是時開陳元慶良吉登壇
 高峰隱明巖室上誓九天中開常一下告靈

山萬神永畢輕傳世寶長謝玄七連師負盟
形殘影滅三塗五苦萬劫不脫按知盟文記
名玉札乞早昇度騰身帝室
畢便投物於山崖也



右二符青書白素埋於天門受者兩跡下也
地戶埋騰天符弟子左足下人門埋藉地符弟子右跡下
弟子鎮命紋繒置本命之上五帝紋隨色鎮
五方盟信置中央五盟鏡鎮五帝制天魔元
此鎮繒則五嶽之靈不受子盟也西城王君
抄太真科要訣於陽洛過南嶽夫人惟騰天
藉地二符訣口相傳受此法別有盟訣太
真科中
師登壇當施五帝告真之符以弟子信鎮於
五方以盟九天誓五靈施緋羅之中五尺於

洞真太上八素真經登壇符札妙訣

前以請經文師北向讀度誦弟子東向伏受
命盟事訖弟子北向九拜九戩仰咽九炁畢
便去師當以金魚玉龍玉札埋於絕巖埋時
北向叩齒三十六通微呪曰
天元八朗九玄關真三景應期是日敷陳上
帝納聽告命靈山三官九府十二河源記某
名籍永以成仙坐須龍駕飛輿紫煙得御上
昇朝謁玉晨
畢埋魚龍札於玄谷



右青書板上置東面以鎮東嶽靈官侍給仙
官九人


九天告命南嶽
赤靈萬仙官屬
衛軒先生某甲
之身登盟度真

九天告命東嶽
青靈萬仙官屬
衛軒先生某甲
之身登盟度真
記錄青官俯仰
格遣青帝仙官
九人給奉司迎
如九天信

右丹書板上置南面以鎮南嶽靈官侍給仙
官九人




記錄青官俯仰
格遣赤帝仙官
九人給奉司迎
如九天信



九天告命西嶽
白靈萬仙官屬
衛軒先生某甲
之身登盟度真
記錄青官俯仰
格遣白帝仙官
九人給奉司迎
如九天信

右白書板上置西面以鎮西嶽靈官侍給仙
官九人



九天告命北嶽
黑靈萬仙官屬
衛軒先生某甲
之身登盟度真
記錄青官俯仰
格遣黑帝仙官
九人給奉司迎
如九天信

右黑書板上置北面以鎮北嶽靈官侍給仙
官九人



九天帝命中華
黃書萬仙官屬
黃符先生某甲
之黃書經度真
記錄青宮符印
格達黃帝仙官
凡人給奉司迎
知九天信

右黃書板上置中央以鎮中徽靈官侍給仙官九人

五符上皇玉帝制命告靈真符登玉清皇壇當依法書符安位師於中央命四極之盟

畢埋符五嶽

度大盟授金龍玉魚玉札文曰

某年月朔某日子某嶽先生某甲年如千歲某月生命屬某斗某帝君謹於玄嶽高山之巖告誓九天上受九十一卷經四極太真明

科九天譜明科之訣奉行道真乞注紫簡言名青宮連盟負誓不敢希仙

右朱書玉札上長一尺二寸廣二寸四分讀畢埋於絕巖之陰

洞真太上八素真經登壇符札妙訣

通六

通六

洞真太上八素真經占候入定妙訣 通六

太帝告四極真人曰今有篤信至道修學不懈皆是先身已經積善生諸天上天上著樂無以進功年訖來生輪轉下世或發願啟告求生世間救物立功勤習上道皆非凡人凡人

人不覺伊亦不自知自知亦不說如此諸人不免灾否或眷屬衰喪或身嬰疾病或公私

口舌或隱顯逢克惡人醜鬼毒獸鳥蟲金木水火土草為妨良由功德未滿受法未備急

清齋黃躬謝過請福精存太上守一无忘施行三五誦德玄師玄師青童君總領一切經

書實文妙圖皆悉由之學士尋師未過求經未得得或不足或不明明或不修行或不

久或多漏悞不能憶知或已憶知替已遺忘邪精所干魔鬼所試急擇佳辰丁卯之日登

山入室清嚴燒香告太上誦存青童向東住心想見方諸宮稽首禮拜面對金闕上相

嚴疾厄難常禮六拜拜畢叩頭密陳苦志或公私否塞或心誠露忘隨願言之指彼即急患不得多及緩事若緩急備言當書委曲拜

竟家讀取不聞竟即燒之後為亦爾氣力強

威可禮十二拜二十四拜三十六拜七十二拜百二十拜二百四十拜三百六十拜七百

二十拜一千二百拜一時能竟注心益善復不堪者寅時至丑十二時時百拜也有能二

時寅申子午適所堪耳常能行之六旬一百不能移日他辰行也同志三五人不可多相

引喧鬧泄漏考不可解上學之士精加詳慎修行此法然後為師傳經必得其人付授无

悔恨矣 凡師傳經不得其人或是其人傳不如法付授之後一十二句眾突互湊急謝青童若有

福慶亦落荷恩也凡受道後如法修行九十日无灾病此宿新有善合仙之人四九三百

六十日公私勝泰此前後積福合真之人三周涉四年一千二百功德與隆顯敬伏此

上士至勤合神之人便傳授廣度賢明救凡汝愛慈心立功博濟无私克登上聖神真仙

君帝玉公卿之位矣 若受道之後百日之內有諸厄病皆宿新多

(033) A B 2-5